

ԺՈՂՈՎՐԴԱԿԱՆ ՀԱՎԱՏԱԼԻՔՆԵՐՆ ԻԲՐԵՎ  
ԲԱՆԱԳՅՈՒՍԱԿԱՆ ԱՍՈՒՅԹՆԵՐ

ԱԱՐԳԻՍ ՀԱՐՈՒԹՅՈՒՆՑԱՆ

1. Ժողովրդական բանավոր ավանդության մեջ գոյատևող բազմազան ու ասարարնույթ հավատալիքները, որոնք բանահավարների, մտավորականների, անգամ մասնագետ հասարակույթների կողմից հաճախ հորջորջվում են նախապաշարմունք, սնահավատք, ավելորդապաշտություն, նանրահավստություն, գուշակություն, հմայություն, կախարհություն և այլ անվանումներով, հիմնականում արասահայտվում են բանաձևված խոսքի կազմավորներով, իբրև դարերի խորքից եկող ավանդական սլաոյամներ: Դրանք, անկախ իրենց բնույթի տարբերությունից, ձևավորված են ժողովրդական դարձվածաբանության լեզվաոճական յուրահատկություններով, իրենցից ներկայացնում են ավանդական ասույթներ՝ կարճ կամ ընդարձակ բանաձևումներով, ներփակ, երբեմն էլ՝ բաց կազմավորներով և արդի միջավայրին զիտություն մեջ առած-աստղածրների, անեծք-օրհնանքների, երգումների, հանելուկների, շուտասելուկների և այլ բանաձևերի հետ մտնում են ասույթարանության (սարեմիոլոգիա) բնահանուր ոլորաք<sup>1</sup>:

2. Ժողովրդական ըլոր կարգի ասույթներն ամենից առաջ լեզվական իրողություններ են և իրրև լեզվագարձվածային միավորներ մանում են լեզվաբանական հեաաղաուությունների ոլորաք: Յուրաքանչյուր ասույթ լեզվական մակարդակում, սովորական բառերի ու դարձվածային բառակազմությունների նման, իրենից ներկայացնում է որոշակի կաղապար և կիրառվում է որպես նշան այս կամ այն դավալիտրն արասահայաելու համար: Դրանք միաժամանակ կարող են ունենալ իրենց ընդհանուր նշանակության պատճառաբանումը՝ արասահայտված ուղղակի կամ փոխաբերական աուումներով, ինչպես նաև իրենց համանունները, հականուններն ու հոմանիչները և լեզվական մի շարք այլ հատկանիչներ: Սակայն այս բուրով հանդերձ, ժողովրդական ասույթները, ի տարբերություն բառերի ու դարձվածային բառակազմությունների, իրենցից ներկայացնում են ամբողջական բնագրեր (տեքստեր), այսինքն՝ «ինքնաբավ նշանակություն ունեցող խոսքային կաղմություններ, որոնք կարող են օգտագործվել ինքնուրույնաբար»<sup>2</sup>: Մինչդեռ բառերն ու դարձվածային կազմությունները հանդես են գալիս սոսկ իբրև տեքստային տարրեր, այլ կերպ ասած՝ բնագրի բաղադրիչներ:

<sup>1</sup> Հմմտ. Գ. Ա. Բ е р м я к о в. К вопросу о структуре паремиологического фонда. — "Типологические исследования по фольклору", М., 1975, с. 247-274.

<sup>2</sup> Նույն տեղում, էջ 251:

Ի՛ացի այդ՝ ժողովրդական ասույթները, բանահյուսական բոլոր ընտել-  
րերի նման, օժտված են որոշակի խնամալով (երբեմն՝ մի քանի), միաժամա-  
նակ իրադրական են, այսինքն՝ ոչ միայն գործածվում են այս կամ այն ի-  
րադրության ժամանակ, այլ հենց իրենք են մոգելավորում կամ իմաստա-  
վորում տվյալ իրադրությունը՝ ե՛վ, ի վերջո, ինչպես բոլոր բանահյուսա-  
կան բնագրերը, ժողովրդական ասույթները ես օժտված են հստակ արտա-  
հայտված երեք կառուցվածքային մակարդակներով. ա) լեզվաբանական (և  
հորինվածքային), բ) տրամաբանական (սեմիոտիկական) ե գ) սլատկերա-  
առարկայական կամ իրակուլթյունների:

Այս առումով էլ ժողովրդական բոլոր ասույթները մտնում են բանա-  
հյուսուլթյան բնագավառը: Իսկ ավելի ճիշտ դրանք միջանկյալ դիրք են  
գրավում լեզվի ե բանահյուսուլթյան միջև և հավասարապես վերաբերում  
են թե՛ լեզվին (որպես լեզվական միավոր) ե թե՛ բանահյուսուլթյանը (որ-  
պես խոսքային բնագիր) ե համապատասխանաբար հետազոտվում են թե՛  
լեզվաբանուլթյան ե թե՛ բանագիտուլթյան կողմից:

3. Արդ, ժողովրդական հավատալիքներն իբրև բանավոր ասույթներ,  
բուն գործառուլթով բաժանվում են երկու հիմնախմբի՝ ա) նախանշանային  
և բ) հմայական հավատալիքների<sup>4</sup>:

Նախանշանային հավատալիքներ են բանաձևված այն բոլոր ասույթնե-  
րը, որոնք բնուլթյան մեջ և մարդկային կյանքում ինքնարեբարալ կատար-  
վուլ երևուլթներին և իրադրուլթյուններին վերադրում են կանխանշանային  
արմուք և դրանցով կանխորոշում մու տալուլթյան մեկ այլ երևուլթի կամ  
իրողուլթյան առաջացումը, լինի դա բնական, թե գերբնական ընկալման  
արդյունք:

Հավատալիքների այս խմբի մեջ են մտնում բոլոր կարգի գուշակուլթ-  
յունների, այդ թվում նաև երազագուշակման բանաձևերը: Դիտարկենք  
նախանշանային հավատալիքների բանաձևերի որոշակի օրինակներ՝ ըստ  
բնուլթյան և մարդկային կյանքի բնագավառների:

1. Ինուլթյան երևուլթները կանխորոշուլ բանաձևեր

- Եթե արևածալին ամպերը շառագունեն՝ անձրև է գալու:
- Եթե լուսնի շուրջը բակ (սլակ) է բռնում՝ եղանակը կխառնվի:
- Եթե ագուլթը կոավի՝ ձյուն (անձրև) է գալու:
- Եթե ամպի գոռոցն առաջին անգամ փետրվարին տեղի ունենա՝ այդ

տարին բերքը սակավ կլինի, իսկ եթե մարտին՝ շատ առատ:

- Եթե արևուլ անձրև է գալիս՝ դայլ է ցնգնել:

2. Մարդկային կյանքի տարբեր երևուլթներ կանխորոշուլ բանաձևեր

- Եթե բաղաթը թոնիրն ընկնի՝ տանտիկինը կմեռնի:
- Բուն ում կտրին կանչի՝ տան մեծր կմեռնի<sup>5</sup>:

<sup>4</sup> Խնդրի տեսական մանրամասներն ու հիմնավորումները տե՛ս Գ. Ա. П е р м я -  
К о в. От поговорок до сказки. М., 1970.

<sup>5</sup> Այս բաժանումը մասամբ սլայմանական է, քանզի նախանշանային ասուլթներու հստակ  
հենված են հմայական հավատալիքների վրա. ինչպես նաև հմայական բանաձևերն իրենց  
հերթին ունեն կանխանշանային միտվածուլթյուն:

<sup>6</sup> «Ազգագրական հանդես». գ. X, Թիֆլիս, 1903, էջ 199-200.

<sup>7</sup> Ե. Լ ա լ ա ն. Երկեր. հ. I, Երևան, 1983, էջ 204:

- եթե շունը սունա՝ տանեցիներից մեկը կ'սկսենի:
  - եթե փայլալ վառվելիս ձայն է հանում՝ նշանակում է լրենից րամրասում են<sup>7</sup>:
  - եթե աքաղաղը կարի վրա է կանչում՝ հյուր է դալու:
  - եթե կատուն երեսն է լվանում՝ հյուր (անձրև) է գալու:
  - երբ կատուն հիվանդի վրա է նստում՝ հիվանդն առողջանալու է:
  - եթե աջ ձեռքը քոր գա՝ փող է ստանալու, եթե ձախը՝ փող է ծախսելու:
  - երբ աչ աչքը խաղա՝ ուրախալի բան է պատահելու, երբ ձախը՝ սխալ:
  - եթե ականջը կանչում է՝ մեկն այդ պահին հիշում է նրան<sup>8</sup>:  
Սրանց մեջ են մանում, ինչպես ասվեց, բոլոր կարգի գուշակությունների բանաձևերը: Դիտարկենք զրանցից մի քանիսը:
- ա) Աստղագիտական բանաձևերից
- Ով որ Խոյի (համաստեղություն) մեջ ծնանի՝ մեծատուն լինի:
  - Ով որ Առյուծի մեջ ծնանի՝ կտրիճ և իշխան լինի, նաև կովող և բարկացող:
  - Ով որ Կշիռին մեջ ծնանի՝ արդար և բարի լինի<sup>9</sup> և այլն:
- բ) Նոր տարվա ծիսագուշակման բանաձևերից
- (Նոր տարվա օրը ձին կանգնեցնում են գոմում): Եթե ձին ինքնաբերաբար աջ սուր բարձրացնի՝ տարին հաջողություն կանցնի, եթե ձախ սուր՝ ձախսրվում է:
  - Եթե վասիլ հացերն (նոր տարվա ծիսական հաց) ուռչեն՝ նրանց տեր հարսներն այդ տարի գավակ կունենան, եթե հացի ուռուցքը վեր է ուղղված՝ տղա կունենան, եթե վար՝ աղջիկ:
  - Եթե նոր տարվա ծիսական հացը կուտ է դնում (ընկնում է թոնիրը)՝ նրա տերը մեռնելու է կամ կորչելու<sup>10</sup>:
- գ) Երագագուշակման բանաձևերից
- Եթե կատու տեսնեն՝ կինը կմեռնի:
  - Եթե կարմիր ձի տեսնեն՝ մուրազը կկատարվի:
  - Զուկ տեսնելը՝ լեղու է (բամբուտանք, ասեկոսե):
  - Թել տեսնելը՝ ճամփա գնալու նշան է:
  - Եթե սև տեսնեն՝ շուտ է կատարվելու<sup>11</sup>:
- Բերված բոլոր օրինակներից երևում է հետևյալը. նախ՝ դրանք բանաձևված ասույթներ են՝ կազմված պատճառի և հետևանքի տրամաբանական կապակցություններ, մեծ մասամբ ունեն երկանդամ, առանձին դեպքերում՝ եռանդամ կամ քառանդամ կառուցվածք: Առաջին անգամը, որ, սովորաբար, պատճառն է, բուն նախանշանն է կամ նախանշանային իրազրույթունը, որին պարտադիր հետևում է նախանշանի հետևանքը (երկանդամ

<sup>7</sup> «Աղյուցակական հանդես». Կ. X, էջ 184:

<sup>8</sup> Մեր գրառումներից:

<sup>9</sup> Գ. Ս Ր Վ ա ն ձ տ յ ա ն ց. Երկեր. հ. 1, Երևան, 1978, էջ 292:

<sup>10</sup> Ե. Լ ա լ ա յ ա ն. նշվ. աշխ., էջ 267:

<sup>11</sup> Մեր գրառումներից:

կառույցի փայտեմբիկը անհամար, երկուստեք կամ քսուստեք փայտեմբիկ (փայտեմբիկի անհամար): Ասույթների առաջին իրադրական անդամները ճշող մեծամասնությամբ ունեն պայմանական կամ ժամանակային իմաստ և սկսվում են եթե, թե, եթե պայմանի կամ ժամանակի իմաստ արտահայտող շաղկապներով: Թե՛ նախանշանները և թե՛ դրանց հաջորդող հետևանքներն առարկայական են, բաղադրված են որոշակի առարկայական իրակություններից, որոնք պատճառի և հետևանքի միասնության մեջ միավորում, մոդելավորում, ամբողջացնում և բովանդակավորում են այդ երկանդամ կամ բազմանդամ իրակությունները և դրանցով վերածվում ամբողջական բանաձևված տեքստի՝ բնադրի, որն ունի տարբերակներ, ինչպես բանահյուսական բոլոր բնադրերն առհասարակ:

Նախանշանային ասույթների խորքում ընկած են հմայական ընկալումներ, քանզի նախանշանային իրադրություններից հանվող հետևանքները՝ գույնավորությունները, գիտվում են իբրև իրերի ու երևույթների բնական վիճակների մեջ առկա գերբնական նախադրություններ, որոնք ինքնին ունեն հմայական արժեք:

Եթե նախանշանային հավատալիքներն, ինչպես տեսանք, ինքնարերաբար կատարվող երևույթներին և իրողություններին են վերագրում կանխանշանային պատճառ և հետևանքներ (եթե այս է լինում, այսպե՛ս կլինի), ապա հմայական հավատալիքներն, ընդհակառակը, գործ ունեն մարդու կողմից հատուկ նպատակամիտ մով կատարելի կամ կատարվող արարքների կամ էլ դրանց արդեւքների հետ, որոնք ամբողջովին ունեն հմայական բնույթ և միտված են տվյալ արարողությամբ (կամ արգելքով) որևէ ցանկալի հետևանք առաջացնելուն (պետք է այս անել կամ չանել, որպեսզի այս լինի կամ չլինի): Հետևաբար, հմայական հավատալիքային ասույթները հմայական արարողությունների և արգելքների (տաբու) նկարագրություններն են՝ իրենց բաղձալի բարի կամ չար հետևանքներով, կալմված դարձյալ պատճառի և հետևանքի ձևատրամաբանական կապակցությամբ, միայն. ի տարբերություն նախանշանային հավատալիքների, հմայական արարողություն կատարելիս հեղինակին նախապես հայտնի է այդ գործողության կամ արգելքի նպատակը կամ հետևանքը:

Այս իմաստով էլ հմայական հավատալիքների բանաձևերը կարող են դրսևորվել ոճաբանական երկու հիմնաձևով՝ ուղիղ և շրջուն: Ուղիղն այն է, երբ բանաձևի սկզբում ներկայացվում է նպատակային արարքը, որին հաջորդում է բաղձալի հետևանքը (անել այս, որպեսզի լինի այս). դիցուք՝ «Կարկուտի ժամանակ խաչերկաթը դուրս են նետում, որպեսզի կարկուտը դադարի»: Շրջունն այն է, երբ սկզբում ներկայացվում է նպատակը կամ հետևանքը, ապա նպատակային գործողությունը (որպեսզի այս լինի՝ պետք է այս անել)՝ «Որպեսզի կարկուտը դադարի, կարկուտի ժամանակ խաչերկաթը դուրս են նետում»:

Իբրև հավատալիքային բանաձև, տարածվածը ուղիղ ձևն է, որն ավելի անմիջական է ներկայացնում և մոդելավորում իրադրությունը: Շրջուն ձևը բնորոշ է հատկապես հմայական արարողությանը, երբ հավատալիքը կիրառվում է հմայողի կողմից և հոգեբանորեն նպատակը կամ հետևանքը

նախորդում է գործուղվածը: Դիտարկենք Հմայական Հավատալիքների հաստատական և արգելական բանաձևերը որոշակի օրինակներով:

Հմայական Հավատալիքների հաստատական բանաձևեր

- Երկունքի ժամանակ տան բոլոր փակված տեղերն ու կահկարասիք բացում են, որպեսզի ծննդկանը դյուրին ազատվի<sup>12</sup>:

- Յորենի կալի մեջ քար են գնում, որպեսզի առատություն լինի:

- Օձի բերանից խլած որևէ կենդանու չորացնում և սահում են ամուլ կնոջ գլխաշորի մեջ, որպեսզի կինը զավակ ունենա<sup>13</sup>:

- Նորածնի բերանին տատմայրը ոսկի է քսում, որպեսզի երեխան հարուստ լինի<sup>14</sup>:

- Կարկուտի ժամանակ համարում են կարկտահատիկները և թիկունքի վրայից դեն նետում, որպեսզի կարկուտը դադարի<sup>15</sup>:

Հմայական Հավատալիքների արգելական բանաձևեր

- Տղամարդիկ կանանց հետ հաց չեն ուտում, որպեսզի քարձ (քոսա) չլինեն:

- Երեխաները սատկած անասունների վեգերով չեն խաղում, որպեսզի իրենց անասունները չսատկեն<sup>16</sup>:

- Նորապսակի առաջ խունջանը (վարտիքի կապ) չեն կապում, որպեսզի նրա բախտը չկասկի:

- Հրայանի վրայով չեն անցնում, որպեսզի այն կրակելիս չվրժսի<sup>17</sup>:

Տեսնում ենք դարձյալ, որ Հմայական ասուլթները նախանշանային հավատալիքների նման մեծ մասամբ ունեն երկանդամ կաղմություն, կառուցված են պատճառի և հետևանքի հարաբերակցությամբ: Թե՛ հաստատական և թե՛ արգելական Հմայական ասուլթների նպատակային հետևանքներն իրենց պատճառ իրադրական անդամների հետ ամենուրեք կապակցվում են որպեսզի նպատակային շահկապով, որը վկայում է այդ բանաձևերի Հմայական նպատակային բնույթը:

Թե՛ նախանշանային և թե՛ Հմայական հավատալիքների բանաձևերի առաջին անդամներն իրադրական են, այսինքն՝ որոշակի իրադրություն են մատնանշում, որից ածանցվում է որոշակի հետևություն, որն իր հերթին իրենից ներկայացնում է մի նոր իրադրություն: Այսպես. «Եթե կաշաղակը կանչի՝ հյուր է գալու» նախանշանային ասուլթում կաշաղակի կանչելու իրադրությունից հետևում կամ ածանցվում է հյուր գալու իրադրությունը: Կամ «Նորածնի բերանին տատմայրը ոսկի է քսում, որպեսզի երեխան հարուստ լինի» Հմայական ասուլթում տատմոր կողմից երեխայի բերանին ոսկի քսելու իրադրությունից ակնկալվում է կամ հետևում երեխայի հարուստ լինելու ցանկալի իրադրությունը: Այդպես է նաև բոլոր ասուլթներում: Պատճառի և հետևանքի այս գույգ իրադրությունները բոլոր հավատալիքային ասուլթներում միավորված են տրամաբանական

<sup>12</sup> «Ազգագրական հանդես». գ. IX, Թիֆլիս, 1902, էջ 47:

<sup>13</sup> Հ. Ա լ ա հ վ ե բ ռ դ յ ա ն. Ուլնիա կամ Զեյթուն. Կ. Պոլիս, 1884, էջ 106,108:

<sup>14</sup> «Ազգագրական հանդես». գ. XVI, 1907, էջ 42:

<sup>15</sup> Հ. Ա լ ա հ վ ե բ ռ դ յ ա ն. նշվ. աշխ., էջ 104:

<sup>16</sup> «Ազգագրական հանդես». գ. XVI, էջ 105,109:

<sup>17</sup> Մեր գրառումներից:

միասնական կապակցություն, իբրև միևնույն ասույթի բնագրային երկու պարտադիր մասերի հորինվածքային ամբողջություն: Ընդ որում, հաճախ միևնույն պատճառային իրադրությունը կարող են հետևել ոչ թե մեկ, այլ մի քանի տարբեր հետևանքային իրադրություններ և, ընդհակառակը, տարբեր պատճառային իրադրությունների հաջորդել միևնույն հետևանքային իրադրությունը: Այսպես, կատվի երես լվանալու նախանշանային իրադրությանը միևնույն ավանդության մեջ հաջորդում են և՛ հյուր գալու, և՛ անձրև տեղալու իրադրությունները: Եվ, ընդհակառակը, կաշաղակի կանչելու, աքաղաղի կտրի վրա կանչելու, քթի քոր գալու նախանշանային տարբեր իրադրություններին հաջորդում է միևնույն հետևանքը՝ հյուր գալու իրադրությունը: Այս երևույթն արդյունք է միևնույն սիմվոլային նշանի տարիմաստություն կամ բազմիմաստություն, միաժամանակ ժողովրդական միևնույն ասույթային բնագրի տարբերակայնության, որ յուրահատուկ է բանահյուսական բոլոր բնագրերին առհասարակ:

Հավատալիքային ասույթների առաջին իրադրական անդամներն ընդհանրապես, լինեն դրանք առարկայական իրադրություն թե նպատակային գործողություն կամ հմայական արգելք, ունեն սիմվոլային-փոխաբերական ընույթ և խորհրդանշում են իրենց հաջորդող հետևանքային իրադրությունները և դառնում են այլարանական-փոխաբերական պատկերներ իրենց հաջորդող հետևանքների: Այս իմաստով հավատալիքային ասույթներն իրենց կառուցվածքով ու հորինվածքով նման են հանելուկներին, որոնց պատկերավոր բանաձևերը այլաբանական-փոխաբերական պատկերներն են լուծման առարկաների:

Անկախ նախանշանային և հմայական հավատալիքների գործառություն բնույթների տարբերությունից, ի վերջո այս երկու հավատալիքային հիմնատիպերի խորքում ընկած է կանխատեսման գաղափարը, առաջին դեպքում իբրև ինքնաբերաբար (սպոնտան), առարկայական իրադրությունից բխող, երկրորդի դեպքում՝ հմայողի անձնական ցանկությունը կատարվող, նպատակային արարքից ելնող բաղձալի հետևանք:

Այսպիսով, ընդհանրացնենք. ժողովրդական հավատալիքներն արտահայտվում են բանաձևված խոսքի կազմավորմամբ, սմալված են կառուցվածքային հստակ ձևավորված ուրվագծերով ու առանձնահատկություններով, րանահյուսական բոլոր ասույթների նման (առած, հանելուկ, անեծք, օրհնանք, երգում և այլն) ունեն որոշակի հորինվածք (կոմպոզիցիա), թեմա, միաժամանակ իրադրական են, օգտագործվում են ոչ միայն այս կամ այն իրադրության դեպքում, այլ իրենք են մոգելավորում, ձևավորում կամ նշանակում այդ իրադրությունը: Հետևաբար, ժողովրդական հավատալիքները ձևով, կառուցվածքով ու հատկանիշներով բանահյուսական բնագրեր են, բանաձևված ասույթներ, որոնք ենթակա են թե՛ դիտական համահավաք բնագրեր կազմելու և թե՛ բանագիտական հետազոտման, մի բան, որ ցարդ մեզանում չի կատարվել:

Սույն հոդվածի նպատակն էր ցույց տալ ժողովրդական այդ ասույթների բանահյուսական նկարագիրը, միաժամանակ բանագետների ուշադրու-

*Թյուհը հրավիրել այդ բնագրերի հավաքման, գիտական համակարգման և ծանրային ու բնագրագիտական հետազոտությունների վրա:*

## НАРОДНЫЕ ПОВЕРЬЯ КАК ФОЛЬКЛОРНЫЕ ИЗРЕЧЕНИЯ

*ՏԱՐԿԻՏ ԱՐՄԻՈՆՅԱՆ*

### Р е з ю м е

Народные приметы и поверья в основном выражены клишеобразными формулами речи, оформлены языково-стилистическими средствами народного фразеологизма. Они представляют собой традиционные изречения замкнутого или открытого типа, являются фольклорными текстами, имеющими конкретную тему, моделирующую, прогностическую, магическую функцию и входят в обширную область паремиологии. В статье на конкретных примерах армянских народных примет и поверий раскрываются основные признаки народной паремиологии и одновременно привлекается внимание специалистов к изучению народных примет и поверий как полноценных фольклорных текстов.